

我係鄧心玥，以下係我音樂營感想

第一日，我 6 點正起身，諗起之後要一連四日去大陸就開始感到緊張。到達中港城後見到一大班 MOY 嘅同學先有咁緊張。到達順德後，去到南沙小學綵排。在綵排前，我們食咗南沙小學嘅午餐。午餐嘅飯餸同平時食嘅午餐唔同，南沙小學嘅午餐大部份都係菜同飯而香港嘅午餐就係多肉少菜。而且總覺得香港嘅嘢食好食啲，所以開始想返香港。綵排後去咗南沙十二道酒樓食晚餐，之後去咗酒店。

第二日，朝頭早可以食完早餐去玩乒乓波或者羽毛球，而我就返咗房。中午就去嘉漁苑美食生態園食午餐。之後去咗南沙區東涌鎮文化中心綵排。本身可以五點南沙區東涌鎮文化中心，但因為要等湛江市第二十五小學嘅樂團完成綵排，所以六點幾先可走。之後喺潮府食晚餐，再返到酒店。

第三日，我八點食完早餐後準備再次去南沙區東涌鎮文化中心做總綵排。總綵排後，食咗個午餐飯盒，午餐飯盒比喺南少小學食嘅午餐好食，因為啲餸可以喺香港食到。話咁快到咗音樂會嘅開始。音樂會開始嗰陣，後台突然變得肅靜，冇人講嘢。表演後，每個人都不自覺地變得興奮，因為就可以返香港。

第四日，去到佛山南海影視城同祖廟參觀。本身仲可以去嶺南新天地，不過聽其他人講話怕塞車。佛山南海影視城好大，不過我只係去咗遊樂場同附近嘅地方，冇去參觀佛山南海影視城嘅其他地方。之後去咗嶺南新天地。相比之下，佛山南海影視城比嶺南新天地好玩得多。約六點，上船返香港。

喺去南沙嘅四日，我食過內地嘅嘢食，同內地學生嘅對話中知道佢地喺學校同平時嘅生活。我學到要珍惜香港嘅嘢，因為香港幸福過內地好多。